

Аңшылық және балық шаруашылықтары субъектілерінің қорықшылық қызметі туралы үлгілік ережені бекіту туралы

Күшін жойған

Қазақстан Республикасы Үкіметінің 2011 жылғы 12 қарашадағы № 1332 Қаулысы. Күші жойылды - Қазақстан Республикасы Үкіметінің 2015 жылғы 31 қазандағы № 870 қаулысымен

Ескерту. Күші жойылды - ҚР Үкіметінің 31.10.2015 № 870 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

«Жануарлар дүниесін қорғау, өсімін молайту және пайдалану туралы» Қазақстан Республикасының 2004 жылғы 9 шілдедегі Заңының 8-бабының 24-1) тармақшасына сәйкес Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Аңшылық және балық шаруашылықтары субъектілерінің қорықшылық қызметі туралы үлгілік ереже бекітілсін.
2. Осы қаулы алғашқы ресми жарияланған күнінен бастап күнтізбелік он күн өткен соң қолданысқа енгізіледі.

<i>Премьер-Министрі</i>	<i>Қазақстан Республикасының</i>
Қазақстан	<i>К. Мәсімов</i>
Үкіметінің	Республикасы
2011 жылғы	12 қарашадағы
№ 1332 қаулысымен	
бекітілген	

Аңшылық және балық шаруашылықтары субъектілерінің қорықшылық қызметі туралы үлгілік ереже

1. Жалпы ережелер

1. Осы Аңшылық және балық шаруашылықтары субъектілерінің қорықшылық қызметі туралы үлгілік ереже (бұдан әрі – Үлгілік ереже) «Жануарлар дүниесін қорғау, өсімін молайту және пайдалану туралы» Қазақстан Республикасының 2004 жылғы 9 шілдедегі Заңының (бұдан әрі – Заң) 8-бабының 24-1) тармақшасына сәйкес әзірленді және аңшылық және балық шаруашылықтары субъектілерінің қорықшылық қызметінің (бұдан әрі – қорықшылық қызмет)

мәртебесі мен өкілеттігін айқындайды.

2. Қорықшылық қызмет бекітіліп берілген аңшылық алқаптарында және балық шаруашылығы су айдындарында және (немесе) учаскелерінде жануарлар дүниесін қорғау функциясын жүзеге асыратын аңшылық және балық шаруашылықтары субъектілерінің құрылымдық бөлімшесі болып табылады.

3. Қорықшылық қызмет аңшылық және балық шаруашылықтары субъектілерінің бұйрығымен құрылады және тікелей осы субъектілердің басшысына немесе оның орынбасарына бағынады.

4. Қорықшылық қызметке аңшылық және балық шаруашылығы субъектілерінің, олардың бірлестіктерінің (аңшылар мен балықшылар бірлестіктерін қоса алғанда) қызметкерлері: басшылары мен аға саятшылар, саятшылар, ихтиологтар, аға қорықшылар, қорықшылар жатады.

5. Қорықшылық қызметті аңшылық және балық шаруашылығы субъектілері өз қаражаты есебінен аңшылық және балық шаруашылығын жүргізу шартында көзделген және Қазақстан Республикасы Үкіметінің 2004 жылғы 30 желтоқсандағы № 1441 қаулысымен бекітілген Қазақстан Республикасында Аңшылық шаруашылығын жүргізу ережесіне және Қазақстан Республикасы Үкіметінің 2004 жылғы 31 желтоқсандағы № 1456 қаулысымен бекітілген Қазақстан Республикасында Балық шаруашылығын жүргізу ережесіне сәйкес белгіленген штат санында құрады.

6. Қорықшылық қызмет қызметкерлерінің жұмысы Қазақстан Республикасының жануарлар дүниесін қорғау, өсімін молайту және пайдалану саласындағы заңнамасына, осы Үлгілік ережеге және лауазымды нұсқауларға негізделеді.

7. Қорықшылық қызмет қызметкерлерінің лауазымдық нұсқаулықтарын тиісті ведомствоның аумақтық бөлімшесімен (бұдан әрі – аумақтық бөлімше) келісім бойынша аңшылық және балық шаруашылықтары субъектісі әзірлейді және бекітеді.

8. Аңшылық және балық шаруашылығының қорықшылық қызметіне он сегіз жасқа толған, атыс қаруын сақтауға және алып жүруге құқығы бар адамдар қабылданады.

9. Аңшылық және балық шаруашылықтары субъектілерінің басшылары аға қорықшыларды, қорықшыларды, саятшыларды, ихтиологтарды жұмысқа қабылдағаннан кейін жануарлар дүниесін қорғау, өсімін молайту және пайдалану саласындағы уәкілетті мемлекеттік органның аумақтық бөлімшесіне (бұдан әрі – уәкілетті орган) тиісті ақпаратты (қызметтік куәлік нөмірлері бар қызметкерлердің тізімі) береді.

10. Қорықшылық қызметінің қызметкерлері өз функцияларын жануарлар дүниесін қорғау жөніндегі мемлекеттік инспекторлармен және жануарлар

дүниесін мемлекеттік қорғау жөніндегі лауазымды адамдарымен өзара іс-қимыл жасай отырып жүзеге асырады.

2. Аңшылық және балық шаруашылықтары субъектілерінің қорықшылық қызметінің негізгі функциялары

11. Аңшылық және балық шаруашылықтары субъектілерінің қорықшылық қызметінің негізгі функциялары:

- 1) жануарлар дүниесінің объектілерін және олардың мекен ету ортасын қорғау;
- 2) жануарлардың мекендейтін ортасын, көбею жағдайларын, өріс аудару жолдарын және шоғырланған жерлерін қорғауды ұйымдастыру;
- 3) жануарларды жасанды жағдайда өсіру;
- 4) жануарлар дүниесінің санын есептеу және жай-күйінің өндірістік мониторингін жүргізу;
- 5) жануарлар дүниесінің өсімін молайту;
- 6) қорықшының күнделігінде, аумақтық бөлімшеге және санитарлық эпидемиологиялық, ветеринариялық қадағалау (аңшылық шаруашылығы субъектілері үшін) органдарына баяндау жазбаларында, рапорттарында көрсете отырып, фенологиялық байқау жүргізу;
- 7) ақпараттық аншлаптардың, жем беру алаңдарының және өртке қарсы қауіпсіздік ережелерінің сақталуын қамтамасыз ету;
- 8) ауру, дүлей апаттар және басқа да себептер салдарынан жойылу қаупі төнген жағдайда жануарларға көмек көрсету;
- 9) жануарлар дүниесінің объектілерін қорғау және тұрақты пайдалану идеясын насихаттау;
- 10) азаматтарды жануарлар дүниесіне деген адамгершілік пен ұқыптылық рухында тәрбиелеу.

3. Қорықшылық қызмет қызметкерлерінің өкілеттігі

12. Қазақстан Республикасының әкімшілік құқық бұзушылық туралы заңнамасына сәйкес қорықшылық қызметі:

- 1) кейіннен жануарлар дүниесін қорғау жөніндегі мемлекеттік инспекторларға, уәкілетті органға не сотқа міндетті түрде беру үшін әкімшілік құқық бұзушылық туралы хаттамаларды толтырады;
- 2) қорықшы қызметінің айырым белгілері бар арнаулы киімін киіп, қызметтік қаруын алып жүреді.

13. Қорықшылық қызметі жұмысында мынадай құжаттар пайдаланылады:

- 1) басшы мен оның орынбасарлары:

аңшылық және (немесе) балық шаруашылығы ұйымы, олардың бірлестіктері (аңшылар және балықшылар бірлестіктерін қоса алғанда) берген қызметтік куәлік ;

облыстық атқарушы органның аңшылық алқапты және (немесе) балық шаруашылығының су айдындарын бекітіп беру туралы шешімі; аңшылық және (немесе) балық шаруашылықтарын жүргізуге арналған шарт; шаруашылық ісін ұйымдастырудың жобасы (аңшылық шаруашылығының субъектілері үшін); жануарлар дүниесін пайдалануға арналған ағымдағы өтінім және бөлінген квотаны растайтын құжат (аңшылық шаруашылығының субъектілері үшін); аңшылық шаруашылығы қызметінің бухгалтерлік және статистикалық есеп құжаттары (аңшылық шаруашылығының субъектілері үшін);

2) аға саятшы, саятшы :

аңшылық және (немесе) балық шаруашылықтары субъектілері, оларды бірлестіктері (аңшылар мен балықшылар бірлестіктерін қоса алғанда) берген қызметтік куәлік ;

жыл сайын толтырылатын аңшылық шаруашылығының паспорты; жануарлар дүниесі объектілерінің өріс аудару жолдары және шоғырланған жерлері, аншлағтар, сортаң топырақтар, астаулар, қорықшылық айналым шекаралары көрсетілген аңшылық шаруашылығының карта-схемасы; аумақтық бөлімшемен келісілген аңшылық шаруашылығын жүргізу жоспары; жануарларды есепке алу материалдары; фото немесе видео материалдарды растайтын қосымшасы бар жемшөпті дайындау және есептен шығару актілері; жануарлар дүниесін пайдалануға бөлінген квотаны іске асыру туралы есеп; қызметтік қаруды алып жүруге және сақтауға рұқсат.

3) аға қорықшы, қорықшы :

аңшылық және (немесе) балық шаруашылықтары субъектілері, олардың бірлестіктері (аңшылар мен балықшылар бірлестіктерін қоса алғанда) берген қызметтік куәлік ;

қорықшыға қорық учаскесін (айналымды) бекітіп беру туралы аңшылық және (немесе) балық шаруашылықтары субъектілерінің бұйрығы және оның карта - с х е м а с ы ;

қорықшының күнделігі ;

фенологиялық бақылау журналы (аңшылық шаруашылығының субъектілері үшін) ;

бекітіп берілген учаскеде болу (аралау) журналы; жануарларды қоректендіру үшін жиналған жемшөпті есепке алу ведомосі (

аңшылық шаруашылығының субъектілері үшін);
қызметтік қаруды алып жүруге және сақтауға рұқсат.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ